

ᾠωυλό Νυᾠᾠσίά Paulo Λᾠwanlín Síσί Korintofó

¹ Μί Paulo ánι ινα Bulu apétó nabwé Kristo Yesu sumbí ᾠᾠπό mva anι πίο Timoteo dé ᾠωυλό άνfi wanlín.

Anιδέ mó wanlín síσί Bulu ᾠpasua άνι ιbu Korinto wúluto πύ Bulu ahά άνι bubu Akaia ᾠsulósu féé.

² Anι Sí Bulu mva anι Wíe Yesu Kristo bugyíi mli buale, abuha mli iwilwii.

Paulo Bulu Ipanða

³ Mliha akanfu Bulu. Mgyí anι Wíe Yesu Kristo mo Si πó mo Bulu. Mgyí anι Síá otowun anι nwe πó anι Buluá otolwíi anι klun ᾠkpagyíakpasu!

⁴ Otolwíi anι klun anι asun wunhe kugyíkoto, ménι anι é abétalí πύ klun lwiíh é ámóú anilanyá tsú mo wá ámu lwíi anι aba klun amó asun wunheto. ⁵ Ah ámóú Kristo léhie wun ipian kponkponkpon, anι é anιδέ mó kv wúun amv a, alí kén Bulu ná Kristosu ᾠié ᾠde anι klun lwíi ní. ⁶ Mó sv ní anιδέ ipian wúun a, mli iwilwii πó mli nkpahó sv anιδέ mó wúun. Tsúfé Bulu dé anι klun lwíi, ménι anι é abólwíi mli klun, fówun mlétalí nyá klun, tomi wun anι ipian ámu odu kén. ⁷ Ifú medé anι mli sv, tsúfé aniyin άνι ania mlinyo dé ipian ámu wúun. Mó sv Bulu obólwíi mli klun fé anι.

⁸ Apío, ιbu aléá mlébi άνι ιwisin ámóú anilówun Asia ᾠmátó ámu ᾠnó léhie wá ᾠln. Ilekke don anι. Ifú lekítá anι, anikí άνι abówu kokooko. ⁹ ᾠnkwali asón, ιᾠbwe anι fé bahá anι lowu ipón. Táme alá animóᾠpu ansí dínká anι ιwisu, mbóun Buluá

ᾠτᾱκῶσᾱ awupῶsῶ, sv ἰεβα αἰ. ¹⁰ Lélé mú á, ᾠλεε anῑ tsú lowutῶ. Anῑlahogyi ánῑ obétsiá lé anῑ brégyíbré. ¹¹ ᾠbéε anῑ, tsúfé mlídé mpái bῶ anῑ nwunsv. Inῑ sv ahá tsῶtsῶtsῶ bédᾱ Bulu ἰpán anῑ nwunsv, tsúfé alawá awῑtῶλε há anῑ, mpái ámῶῦ ahá tsῶtsῶtsῶ bῶdeḃῶ há anῑ ámῶ sv.

Paulo Nḡhῑé Tse

¹² Abétalí pῶ ἰbῑ sí kántῶ anῑaa anῑ klῶn mῶkῶhá anῑ pῶn anῑ nkpatῶ, títriu anῑa mῑnyῶ nátitῶ. Megyí anῑ ᾠsulῶv anῑsv nyánsa anῑlῶpῶ anῑdé anῑ agyῶmá yῶ, mbouῑn Bulu awῑtῶλε sῶ anῑlatáí lé ἰwῑtῶ anῑdé tῶgyítῶ bῶε ᾠᾱkwalisv. ¹³⁻¹⁴ Tsúfé megyí asῶn ánῑ mῑmῑetalí kla, nu mú asῑ anῑtῶwánlῑn sísí mῑ. Ibv mῑtῶá mῑmῑédé mú asῑ nu yi, táme nahogyiá mῑlῶbonu mú asῑ wankláán ekekῶ. Fῶwun mῑ é mῑétalí pῶ anῑ tsú ἰwῑ, fé alíá anῑ é abῶpῶ mῑ tsú ἰwῑ anῑ Wíe ᾠbáke amῶ.

¹⁵ Mῑ ansῑ dῑn asῶn ánfῑsv. Mῶ sv nῶbῶε agywun ánῑ néba mῑ wá, ménῑ mῑénῑa oyúla anyῶ. ¹⁶ Mῶgyí, nῶtsῶn mῑ wá yῶ Makedonia. Nῑ neyῑnkí é nélatῶn mῑ wá; fῶwun mῑétalí sí mῑ ᾱkpa, néyῑnkí ba Yudea ᾠmátῶ. ¹⁷ Mῑéfíté mῑiaa, ntogyi sῶ nalátse mῑ agywun. Ntéε nabwé fé ᾠyítῶ ahá ámῶῦ bῶteblí bῶε, “Ee” latsé amῶ ᾠῶ bῶε “O-o” amῶtῶ ᾱku? ¹⁸ Alῑ ámῶῦ Bulu bῶ ᾠᾱkwali, ᾠtamawá afunu amῶ a, alí mῑ “Ee” igyi mῑ “Ee” ní. ¹⁹ Tsúfé Bulu mῶ Bi Yesu Kristo amῶ tamablí ᾠbéε “Ee” latsé mú ᾠbéε “O-o.” Mῶ mú á, “Ee” kῶῑn ototsúlá. Mῶ ἰwῑ asῶn ᾱkan mῑa Silas pῶ Timoteo anῑlédᾱ sῑnᾱ mῑ ní. ²⁰ Tsúfé mῑtῶtsúlá “Ee” há Bulu nḡhῑé kugyíku ἰteba mῑtῶ. Mῶ sῶ akánfῶ Bulu tá á, anῑteblí anῑaa, “Amen!” nῑ. ²¹ Bulu téhá anῑa mῑnyῶ anῑtetáí lí kῑnkíínkῑn anῑa Kristonyῶ ἰkῶleḃwῑtῶ. Mῶgyí ᾠhá ánῑ ᾠledᾱ anῑ ofúli.

22 Mv kɛn lɔpɔ Ɔɲɛ Wankihé amv wá anɪ klɔntɔ, púhíe anɪ nsɔ; isuna ání mubó anɪ, ɔbóbwe tóá ɔlehie há anɪ.

23 Bulu ɔbiti mí ɪsv ní megyí ɔɔkwali nde mli bláa. Alíá mméeba bowun tsitsa kɔkɔ blí tsú mli ɪwɪ sɔ mmétrá bɔtsɔn ɪnv. 24 Animédékléá ɪbóbwe fé anidé mli hie alíá mlɔpɔ mli hógyi yó agyómá. Mboún alíá ansí bégyi mli sɔ ania mlɪnyɔ anidé agyómá yɔ. Anɪyin ání mli hógyi sv mlilí kinkíinkín dodo.

2

1 Mú sv nabwé agywun ání mmétrá ba bɔwa mli awɪrehɔ. 2 Tsúfé ní neba bɔwa mli awɪrehɔ á, ma ɔbéha ansí bégyi mli dɔn mli ámúú nawá awɪrehɔ ámv? 3 Mú sɔ nɔwanlín ɔwoló gyankpapɔ amv sísí mli ní. Fówun ní neba á, mli ámúú mléha ansí bégyi mli ámv mlíméela há awɪrehɔ mboún ɪkita mí. Tsúfé mí ansí dɔn mli féésú ání ní ansí de mí gyí a, mli é ansí bégyi mli. 4 Megyí ansigyí nɔpɔwánlín ɔwoló ámv. Asún ihíe de mí háan, ndesú asa nɔwanlín mú! Táme megyí alíá néha mlégyi awɪrehɔ sv nɔwanlín mó. Mboún alíá mlébi ání ntehié dwé mli sv.

Lakpansikié

5 Ɔhá ámúú ɔlɔpɔ asún ba ɔpasua ámvɔ ámv mókópú ɔlala gyi mli. Ní beɛ bukú mú á, ɔpasua ámv féé alapú asún gyí. (Mmedékléá nɔdɔn mú blí.) 6 ɪsvbiti ámúú mli ɔdɔdɔ mlilébiti mv amv ɪtsɔ mv. 7 ɪlafɔn ání mlésikié mv, yíá mv klɔn ngya. Fówun asún móɔdɔn mv, ɪwɪ móowu mv. 8 Mú sv nokókóli mli, mlile suna mv ání mlítráa mliɔv mv ɪwɪ ɔdwe. 9 Ndekléá nébi ní mlitegyi mí asún ámv féésú. Mú sv nɔwanlín ɔwoló ámv ni. 10 Ní mlesíkié ɔkɔ á, mí é nasíkié mv. Ní nesíkié mv é á, mli sɔ nasíkié

mυ Kristo idátó, ní ilehián ni, ¹¹ ménι Θbunsám oméenyà anι ιωι ɔkpa, tsúfé anιyin ikpa ání ɔtatsun mósó fée.

Paulo Klɔn Médi Mv Asι

¹² Bréá nɛba Kristo asun wankláán ámu ɔkan ɔdakpá Troa wúlutɔ á, nowun ání anι Wíe lafinkí ɔkpa há mí. ¹³ Táme mí klɔn médi mí asι, tsúfé mmɔtu mí píó Tito ινυ. Mú sɔ nɛklá amó ká tsun yɔ Makedonia nsáinto.

Isvgyí Kristo Idátó

¹⁴ Táme ndɛ Bulu ipán da ání Kristo isvgyí sɔ alabwé anι ndoun, alakpá anι buo ιωι, anidé mu isvgyí amυ nke gyí. Ní ayó ɔtínɛgyíɔtíné a, ɔtatsun anιsɔ bláa ahá ámu Kristo asun wankláán ámu, fé alhá ofobí fánfán tɔwá ɔfan yó tsútsúútsú. ¹⁵ Lélé mó á, Kristo gyí atɔ tɔhé, anιgyí mó ɔfan ání idɛkusú há Bulu, há ahá ání buɔɛ nkpa nya pú amóá buɔɛfwι fée. ¹⁶ Itobon ahá ání buɔɛfwι, kpá amó ya lowutɔ, itɔwá ahá ání ɔɔɛ amó nkpa hɔɔ ɔfan, kpá amó ya nkpatɔ. Ma mɛɛ lófɔn ha gyɔma ánífi odu yɔ? Jhaa má ινυ. ¹⁷ Anι mó anιmégyí fé ahá ɔɔɔɔɔá buɔɛ Bulu asún ámu fe púkle kóba. Iníá Bulu lówa anι sɔ á, anιɛblí mó ɔnɔkwahisɔ fé Kristo asúmbi ání bulí Bulu ansító.

3

Bulu Ntam Pɔpwe Asúmpó

¹ Asún ánífi anidéblí ánífi itráa desuná ání anidé ιωι kanfó súná mli lóó? Ntée ilehián ání abópυ anι adánsιɛ nwołó bá mli, ntée abóhɔ mó tsú mli wá fé alhá aku butɔbwé? ² Ekekeke! Mli onutó tsiátó gyí adánsιɛ nwołóá bawánlín dínká anι klonsɔ, ɔhagyíɔha dé mó wúun kla, póbí ání anidé agyúmá

wankláán yɔ. ³ Mlɔgyí ɔwɔlɔ́a Kristo lówanlín, ɔlɔtsɔn anɔsɔ ba. Táme megyí oyípe ɔlɔpɔwánlín mó, Bulu Ɔkɔankpapɔ amɔ Ɔɲé ɔlɔpɔwánlín mó. Megyí abwi pétéplé anyɔsɔ* é ɔlɔwanlín mó dínká, mbóún anyánkɔ́sa klɔnsɔ.

⁴ Anɔbɔ ɔkpa blí alɔ, tsúfé Kristo sɔ anɔ ansí dɔn Bulusɔ. ⁵ Anɔyin ánɔ anɔmɔ́fɔn ánɔ abétalí bwé tɔtɔ anɔ onutó ɔwɔsɔ. Bulu sɔ anɔlɔ́fɔn ha tɔgyítɔ bwé. ⁶ Mɔláhá anɔlabwé mɔ ntam pɔpwe amɔ asúmpú. Megyí ɔbɔ Bulu lɔpɔwánlín mó mó, mbóún Ɔɲe Wankíhé amɔ. Tsúfé mbla wanlínhé amɔ ɔtɔpú lowu ba, támé Ɔɲe Wankíhé klé amɔ mó ɔtɔpú nkpa ba.

⁷ Mbla dada amóú Bulu lówanlín dínká abwi anyɔsɔ amɔ ɔlɔpɔ lowu ba. Táme mó numnyam léha Mose ansítɔ lɔhɔ wankí asa ɔlɔpɔba Israelfɔ. Bréá numnyam amɔ ɔnó ɔde asɔbá ó á, bɔmetalí kɔ mɔ ansítɔ. ⁸ Iná mbla wanlínhé amɔ lénɔya numnyam alɔ á, mómó Ɔɲe Wankíhé amɔ gyumagyihɔ numnyam ɔbéhɔ dɔn mó! ⁹ Mbla wanlínhé amóú ɔtɔhá anɔtegyí ɔpón amɔ kóráá ɔbɔ numnyam. Mó mó nkálɔ Ɔɲe Wankíhé gyumagyihɔ amóú ɔhíé bɔ numnyam dɔn mó amɔ ɔbóbwe? Tsúfé ɔtɔhá anɔtegyí asɔ Bulu ansítɔ! ¹⁰ Mó mó ɔdesuná ánɔ Bulu mbla dada amɔ ɔtráa ma numnyam kóráá. Pópwe anɔ numnyam lagi mó sɔ. ¹¹ Tsúfé ní Mbla dada amóú ɔmetsiá wá ɔpá amɔ ɔbɔ numnyam alɔ á, mó mó pópwe anɔ ɔbétsiá bré féé anɔ klé ɔbéhɔ dɔn mó!

¹² Anɔ ansí dɔn ntam pɔpwe anɔfɔsɔ. Mó sɔ anɔbɔ ɔkpa tóí faan. ¹³ Anɔmégýí fé Mose ánɔ ɔletsíá pú tati bun nwun, ménɔ Israelfɔ bɔmóowun mɔ ansítɔ

* **3:3** Abwi pétéplé anyɔ amóú Bulu lówanlín mɔ Mbla dú dínká mó sɔ há Mose amɔ.

wankí, bréá mó onó ide asibá. ¹⁴ Táme mó óó á, Bulu léha amó kluntó lówa odwin bəfən nde. Mó sɔ ní buɔe Bulu mbla dada amɔ kláa amó ofiakpa a, butamanú mó asɪ, tsúfé tati amɔ létin amó agywun. Tɔtɔ méetalí bwíí tati amɔ lé amó agywunsɔ, nkéti amóa Kristo babwé kole. ¹⁵ Bótɔ nde kóráá ní buɔe Mose mbla amɔ kláa a, tati amɔ itráa bun amó agywunsɔ. Mó sɔ butamanú mó asɪ. ¹⁶ Táme ní ɔha onyá dámlí kluntó ba anɪ Wíe wá pé, Kristo labwíí tati amɔ lé mɔ agywunsɔ. ¹⁷ Anɪ Wíe amóú asón ánfɪ ɪdetóí tsú mɔ ɪwɪ amɔ gyí Ɔhé Wankihé amɔ nɪ. Ɔtínegyíɔtínéá Ɔhé amɔ ɪbɔ a, ɪwɪgyí tét síá ɪnɔ. ¹⁸ Anɪ Wíe dé tati amɔ bwíí lé anɪ féé ansító. Mó sɔ anɪdé mɔ numnyam amɔ ɪe súná ní. Mɔ Ɔhé amɔ lahá anɪdé mɔ lían, tsúfé mɔ numnyam amɔ itráa de wankí anɪtɔ tsía.

4

Ɔlótó Siadie

¹ Bulu láwun anɪ nwe pú agyómá ánfɪ wá anɪ ɪbɪtɔ. Mó sɔ abatɔ tamawú anɪ. ² Anɪlakíná tóá ɪbɔ péli pú oklúntɔ ató féé. Anɪmédé ahá mlé, anɪmédé Bulu asón amɔ é damlí bun. Mboún anɪdé onəkwali amɔ onutó blí pólé ɪwɪ súná ahá féé, ɪwankɪ amó alíá anɪgyí Bulu ansító. ³ Ní təkɔ ɪbun asɔn wankláán amóú anɪdéblí amɔsɔ kóráá á, ahá amóú buɔefwɪ amɔ nkole ɪbun há. ⁴ Ɔbɔnsám gyí ɔyí laláhe anfisɔ ogyípó. Mɔlápú ató tin ahá ánfɪ butamahɔ Bulu gyí anɪ ansíbi. Mó sɔ bɔmédé asɔn wankláán amóú igyi wankɪ amɔ asɪ nu ní. Wankɪ amɔ gyí Kristo. Móléhiɛ lían Bulu numnyam nɪ. ⁵ Tsúfé anɪméná anɪmédé anɪ onutó ɪwɪ asón ɔkan da. Yesu Kristo ɪwɪ asón ɔkan anɪdéda anɪaa, mɔgyí anɪ Wíe. Tóá anɪteblí tsú anɪ ɪwɪ gyí, Yesu sɔ anɪlabwé mlɪ

asúmpú. ⁶ Tsúfɛ Bulu á múú ɔleblí ɔbéɛ, “Wanki idáli tsu oklúntò!” á mú kén lahá mú wanki á mú idewankí aní klóntò. Ilahá anílabí á ní mú numnyam á mú idewankí Yesu Kristo ansító.

⁷ Táme anígyí fɛ nló pwehé á ní siadiɛ bu mútò. Siadiɛ á mú gyí wanki múa túmi á ní idewankí aní klóntò. Idesuná á ní túmi kpɔnkpɔnkpɔnti á ní imotsú aní, Bulu wá itsú. ⁸ Bude aní háan ɔkpagyíɔkpasu, táme bumakótálí sá aní tin. Iwí de aní klí, táme imakúkɔpɔn aní. ⁹ Bɔdun anísu, táme Bulu mókúsí aní há. Bɔtefin aní dá, táme Bulu su anímókówú. ¹⁰ Anilatsúlá ide aní ɔyólóv aní ipian brégyíbré, anidéwu fɛ Yesu, méni mú nkpa á mú ibélin ɔwan anító. ¹¹ Yesu súm su aní nkpa atsiápú aní anítefia lowu brégyíbré. Alíá ibóbwe mú nkpa bélin ɔwan aní ɔyólóv aní idewu á nífitò su. ¹² Iní désuná á ní lowu dé aní laláa, mlí é mlidé nkpa á ní itamatá nya.

¹³ Táme aníbu mósó anidé Bulu asún á mú ɔkan da. Tsúfɛ anílòhɔ mú gyí fɛ alíá Israel íb ɔwapó á mú lówanlín wá Bulu asún á mútò ɔbéɛ, “Nòhɔ Bulu gyí. Móláhá só nde mú ɔkan da ní.” ¹⁴ Aníyin á ní alí á múú Bulu lókúsá aní Wíe Yesu tsú afúlitò á mú a, alí kén ɔbókúsá aní, ɔbékpa ania mlínyɔ fɛé ba mú iwí wá ní. ¹⁵ Iní fɛé bówa labi há mlí, méni ní Bulu híe ɔde awítòle wa, kpá ahá ɔdududɔ ba Kristo wá á, béhie dá mú ipán, wá mú numnyam.

Hógyi Pɔtsíá

¹⁶ Mú su abató tamawú aní. Ibu mútòá aní ɔyólóv aní idewu mú, táme Bulu dé aní ɔkláa ɔwɔnlín wa ekekegyíeke. ¹⁷ Tsúfɛ iwíɔsin kpalóbí á ní anidéwúun séi á ní ibéha abénya numnyam kpɔnkpɔnkpɔntiá itamatá, idun iwíɔsin á ní. ¹⁸ Mú

su animédé iwiasin ánfɔ anidéwúun anfi bu. Múá nyankpɔsa ansíbi tamawun ɔkpa anidékú. Tsúfé iwiasin ánfɔ íbéba bɔtsun. Ansigyí ámóó íbu ɔma, íbétsiá bré fée ámu ɔkpa anidékú.

5

¹ Aní ɔyulúu anfi igyi fé kantankpa ání anitsie mótó. Ní bobwíé mú á, Bulu ɔbéha aní obu bámbá ɔsúsú. Mómó á, megyí nyankpɔsa léyi mú. Mu onutó léyi mú, imóobwie ekekeke. ² Tsúfé séi kóráá ide aní ipian ɔsulúsu-ɔyulúu anfitɔ. Anihíé anigyó ekeá ɔbópɔ aní ɔsúsú-ɔyulúu wá aní fé atadie. ³ Mómó animóobwe fé ɔhéá ima ɔyulúu, aniná yayá. ⁴ Ide aní ipian, anidékumí bré ánfɔ anitráa aníbu aní ɔyulúu dada anfitɔ. Megyí beɛ anidékléá awú, adali ɔyulúu anfitɔ. Mboún anidékléá Bulu ɔwáa aní ɔsúsú klé amóó ítamawú plá ámu, méní íbégyi mú ánfɔ itowú plá ánfɔsu. ⁵ Bulu onutó léla aní yáí há mú, ɔlɔpɔ Ɔɣe Wankíhé amu wá anitɔ. Mógyí íbwiá ɔledinká mósó ní.

⁶ Mú su anitɔwá klɔn brégyíbré. Íbu mótóá bré ánfɔ aníbu ɔsulúsu-ɔyulúu anfitɔ á, aníbu ífó aní Wíe wá. ⁷ Iní su hógyi anɔlapó anitsie nkpa, megyí tóá ansíbi dewúun. ⁸ Ee! Anihíé anidé klɔn wa, tsúfé tóá anihíé anidédunká gyí abówa ífó ɔsulúsu-ɔyulúu anfi wá, ayetsiá aní Wíe wá. ⁹ Mú su ní aníbu ɔsulúsu nfi o, ɔtɔne bambá o, tóá idɔn aní klɔnsu bré fée gyí, abóbwe tóá íbégyi aní Wíe ansí. ¹⁰ Tsúfé aní fée abéyélí Kristo ansító, obégyi anitɔ okugyíɔku asón, ká mu íkɔ aní ɔsulúsu-ɔyulúu anfi bwehé ɔnó. Yilé igyi o, lalahɛ igyi o.

Bulu Onyawíele

11 Anihíe anyin ání ilehián ání abénya aní Wíe ifú. Mú sò anídétóí kplá ahá aníaa, amó é bunyáa m̀v ifú. Bulu híe oyin aní. Nahogyi ání m̀lì é m̀lìyin aní m̀lì kl̀nt̀. 12 Megyí iwí anítráa anídétsu súná m̀lì. M̀b̀oun anídé m̀lì ̀kpa suná, m̀ǹǹ m̀l̀tsu iwí aní s̀. F́wun ní ahá b̀de iwí tsu t́á ̀ha t̀p̀ ansibi wun s̀, imegyí t́á ̀b̀ ̀ha kl̀nt̀ s̀ á, m̀l̀nya k̀ bláa amó. 13 Tsúf́ ní b̀e aní nwun layíntá kóráa á, Bulu asón igyi. Táme ní b̀e aní ansító da m̀ á, ida ha m̀lì. 14 ̀dwe amóú Kristo b̀ ha aní am̀v dé aní kpa, tsúf́ anílanú iwíasi ání m̀v nk̀le lówu há ahá f́é. Mú s̀ m̀va ahá f́é bawú. 15 Olowu há ahá f́é lélé, m̀ǹǹ ahá ání b́nya nkpa p̀pwe am̀v b̀m̀étrá tsiá nkpa alíá b̀deklé. M̀b̀oun b́tsiá nkpa há Kristo amóú olowu, Bulu lókusóa m̀v há amó am̀v.

16 Iní s̀ anítráa anímédé ̀haa kí f́e alíá ̀yító ahá b̀teki m̀v. ̀b̀v m̀t́á bré am̀v anilétsiá kí Kristo f́e alíá ̀yító ahá b̀teki m̀v, táme anítráa anímédé m̀v kí alí. 17 Mú s̀ ní ̀ha m̀va Kristo b̀b̀wé ik̀le a, alabwé ̀ha p̀pwe. M̀v tsiátó dada am̀v f́é ̀latsun. M̀v tsiátó labwé p̀pwe! 18 Nkpa p̀pwe anfi itsú Bulu wá. M̀l̀tsun Kristos̀v b̀wé aní anfi anigyí m̀v alupú anfi m̀v anyawíe. Alapó agyómá anfi wá aní ̀bit̀, ̀b̀é alé ̀ha bambá é anyawíe ha m̀v. 19 Tsúf́ Bulu lótsun Kristos̀v ̀de ̀yító ahá damlí b̀wé m̀v anyawíe. ̀tráa ̀medé amó lakpan iwí akúnta bu há amó. Iní ̀l̀p̀wá aní ̀bit̀ ̀b̀é, abláa ahá ní.

20 Kristo atsiámí anigyí, Bulu détóí tsun aní s̀ há m̀lì. Mú s̀ anílí Kristo ̀l̀kpa anídé m̀lì kokóli aníaa, “M̀lìha Bulu ̀b̀wé m̀lì m̀v anyawíe!” 21 Tsúf́ Kristo m̀b̀wé lakpan k̀k̀! Táme Bulu lóp̀v m̀v bó afódié aní lakpan s̀, m̀ǹǹ ̀b̀tsun ania m̀nỳ

ikolebwesu tsú aní ání aní asón da ɔkpa mu ansító.

6

¹ Ania Bulunyɔ anidé agyómá yɔ. Mú su anidé mli kokóli aniaa, mlimáha Bulu awitɔle amóó mlilanyá ámu ibwe kpaali. ² Tsúfɛ Bulu lébli mu asun wanlínhé amvɔ ɔbéɛ,

“Bréá mí bré lɔfun ání nówun ahá nwe a,
nonu mli ɔme.

Mí nkpa ɔhóke amv lɔfun é á, negyi mli buale.”

Mlɔnu! Bré ámu lɔfun a. Nde gyí mli nkpa ɔhóke amv ni!

³ Animédékléá abétin ɔhaa aní Wíe wá ba ɔkpa, méni ɔhaa méenya asvansu bli tsú aní agyómá áni iwí. ⁴ Mboún aní bwehé féétó a, anitelé súná ání Bulu asúmbi anigyí ɔɔkwalisu. Anitotomi aní iwɔsin, aní ikplán pú aní asun wunhe kugyíku étó. ⁵ Bepítí aní ató, wá aní obu, bekpa bun anisu dá aní. Anilóyɔ agyómá ání idun aní. Nkekó anitamadídi, nkekó é anitetsiá akón. ⁶ Anilótson aní tsiátósu lé súná ání ifin kuku má aní iwí. Aniyin asón, anitenyá iklon. Anibu awitɔle, Ɔye Wankíhé amv tsie anitɔ. Anitehíé dwé ahá é tsú aní klɔntɔ. ⁷ Anitedá Bulu asón ámu ɔkan ɔɔkwalisu pú Bulu túmitɔ. Yilébwe gyí isá-akótá anidépukó ahá, anidépɔtin aní iwí é. ⁸ Aku butobú aní, aku é butósopa aní. Aku butekánfó aní, aku é butɔkpóí aní. Aní asón da ɔkpa, táme buɔe aní bu afunupu. ⁹ Fé animégyí tɔtɔ ahá ansító, táme ahá anigyí. Fowun aní fɛe anidéwu ní, táme ki, anibu nkpa. Butesian aní mɔ, táme anitedáli mútɔ. ¹⁰ Anibu iwɔsintɔ, táme Kristo su anibu ansigyító. Ahiánfɔ anigyí, táme anilahá ahá bamlí iwí anyapó. Animá tɔtɔ, táme anibu tógyító Kristo su.

11 Korintofō! Anitehíe nyá mli iwí ansigyí, lé iwíto bláa mli asón. 12 Anitamakólá iwí mliw, táme mli mó mliδέ iwí kulá aniw. 13 Nde mli asón bláa fé mí onutó abí. Mli é mliwápu aswansu nájín ani.

Omátófo Pwgyi Mba

14 Mliw omátófo mliwágyi mba. Nkáli yilé móa lalahé bétalí tsiá tsukule? Nkáli wanki móa oklún é bóbwe kule? 15 Kristo mwa Obwansám* bétalí bwé agywun kule? Ekεεεεε! Nkáli ohógyipu mwa dhá aní oma hógyi bóbwe kule? 16 Nkáli bótswε okpi Bulu otswékpa? Tsúfé anigyí Bulu Okiankpapu amw otswékpa ni. Igyi fé alhá bowanlín wá Bulu asón ámwto beε,

“Bulu obée, ‘Nétsiá mí ahátó,
mía amónyo abénatí.

Nóbwe amó Bulu,
amó é bóbwe mí ahá.’ ”

17 Bowanlín wá Bulu asón ámwto é beε,
“Ani Wíε Bulu obée,
‘Mlidali amótó, amliwain iwí le amósó.’ ”

Betrá wanlín wá Bulu asón ámwto beε,
“Mliwáwa ibi lalahetó,
mí anho mli.”

18 Betrá wanlín wá Bulu asón ámwto beε,
“Bulu obée, ‘Nóbwe mli Sí,
mli é mlóbwe mí abí.’
Alí aní Wíε Otúmípu déblí ní.”

7

1 Mí apió adwεpó, Bulu lahié ntobiá igyi alí yái ani. Mó su mliha afwí ibi le tógyítóá ibókpoi ani oyulúw pú ani okláa féétó. Mliha anya Bulu ifú, méní ubéha ani iwí bétin, ifin kuku méétrá tsiá ani iwí.

* **6:15** Paulo léti Obwansám obée, ‘Belial.’

Paulo Ansigyi

² Kókoli, mlímákwá iwí aniso! Animókópú lalahe gyi ɔhaa. Animókóyíntá ɔhaa, animókósísi ɔhaa é. ³ Megyí ipón nde mli ha só nde asón ánfí blí. Tsúfé nablí bɔtsun mbéé, anitekile mli asón. Lowuto o, nkpatɔ o, animéetan mliɔ ekekeke. ⁴ Ntetáli bla mli mí klɔntɔ asón, nde iwí é tsu mliɔ wankláán. Aní ipian f́éé ɔma a, mlilawá mí atetɔ-onlin. Ansigyí kpɔnkpɔnti kv labúlá mí klɔntɔ.

⁵ Tsúfé bréá anilówie Makedonia a, animénya ɔkpa dá ɔkpónú. Atsun nfi asón, ayínkí nfi itré. Mú sɔ ifú letsiá aní ayetɔ. ⁶ Táme Buluá otolwíí ahá ámúb iwí lawú amó iklɔn amɔ lékpa Tito ba aní, púlwíí aní iklɔn. ⁷ Megyí mɔ íbá amɔ nkɔle léha iklɔn lólwíí aní, mboún asón aní ɔlɔpɔtsúa inɔ ba é. Ɖlebláa aní ɔbéé, mlihié mliδέkléá mlówun mli. Alíá asón ámɔ lahan mli, mlilanú iwiasí aní mlímébi bwé pó alíá mlilahíé tsúlá dínká mí klésɔ, sɔ ansí letrá gyi mli tsía.

⁸ Tsúfé ní mí ɔwoló ámɔtɔ asón lehan mli kóráá á, mí mó imehan mli. Ibo mótóá ɔlehan mli bré kvɔtɔ, tsúfé nowun aní ɔleha awirehɔ lékitá mli kpalobí. ⁹ Ansí de mí gyi séi. Megyí alíá ɔlɔwa mli awirehɔ sɔ. Mboún alíá awirehɔsú amɔ ɔlahá mliladámli klɔntɔ sɔ. Tsúfé mli awirehɔsú anfi odu Bulu tekile ni. Mú sɔ mí asón ámɔ imeyintá tɔtɔ tsú mli iwí. ¹⁰ Tsúfé awirehɔsúá igyi Bulu apé tɔpó klɔntɔdamli bá. Itehá anitenyá nkpa. Mú odu bɔ ɔsin, táme ima ɔsin. Ɖyítɔ awirehɔsú mó á, lowu itɔpóba. ¹¹ Mliki tóá awirehɔsúá igyi Bulu apé latí há mli! Ɖlahá mlilatsú iko lé asón ámɔtɔ, mliδésuná aní mli asón da ɔkpa sɔ ɔbló é de mli. Ɖlatsíí mli opúni, ɔlahá mlihié mliδέkléá mlówun mli, mlilatsúlá dínká mí

klɛsu. Mlɛhíé mlɛdédunká ání mlɛbutí lalahɛ ɔbwɛpó ámu isu. Lélé, mlɛlálé súná ání mlɛmégýi pón asún ánfɛtɔ.

¹² Nɔwanlɛn ɔwɔlɔ sísí mɛlɛ, támɛ megýi ahá ánfɛ su. Megýi ɔhá ámúú ɔɔbwɛ ilá, ntéɛ ɔhá ámúú ɔɔpɔ ilá gyí mu amu su. Alɛ́á néɛ súná mɛlɛ Bulu ansító ání mlɛlatsúlá dínká mí klɛsu mboún su. ¹³ Inɛ lahíé wá anɛ atɛtɔ-ɔnlɛn.

Móá idɔn kóráá á, ansí legýi anɛ, bréá anɛlówun ání mɛlɛ fée mlɛlahá ansí de Tito gyí, tsúfɛ mlɛlahá ɛklɔn ladí mu asi. ¹⁴ Ní nekánfó mɛlɛ mu ansító kóráá á, mlɛmého péli mɛkítá mí. Alɛ́ ámúú asún ámúú anɛlɛbláa mɛlɛ ámu fée igýi ɔnɔkwali amu a, alɛ́ kánfó ámúú nekánfó mɛlɛ mu ansító ámu é laba mótó ní. ¹⁵ Ní Tito ɔkáin alɛ́á mɛlɛ fée mlɛteyaa asu há mu, hɔ mu asun blíhé, pú alɛ́á mɛletenyá ifú kpínkí mu ansító á, ɔtɛtráa nya mɛlɛ iwɛ ɔdwe tsía. ¹⁶ Ansí ihíé de mí gyí ání nɛtalí pú ansí dínká mɛlɛsu ɔkpagyíɔkpasu.

8

Akristofɔ Atókíe

¹ Apíó, anɛdɛkléá mlɛbú awɛtɔléá Bulu lawá há ɔpasua ámúú bɔbɔ Makedonia ɔmátó ámu. ² Inɛ́á bɔbɔ ipian móa asun wunhɛ tsɔtsɔtsɔtɔ kóráá á, bɔpɔ amó ohian futútúútú lé amó awɛtɔlɛ kpɔnkpɔnkpɔntɛ súná ansigyísú tsun amó atok-iehétó. ³ Néblí mbéɛ, bekie ató dɔn alɛ́á bétalí kóráá, tsú amó klɔntɔ. ⁴ Betsiá kólí anɛ ɔkpa bɛɛ, ahá amó é abɔnya ɔkpa wa awɛtɔlɛ ha Bulu ahá ání bɔbɔ Yerusalem. Fówun amó é amó ibɛ bówie osum agyómá ánfɛtɔ. ⁵ Bɔbwɛ dɔn alɛ́á anɛlósusúu. Gyankpapo a, besi amó iwɛ há anɛ Wíe, belasí amó iwɛ há anɛ Bulu apétó. ⁶ Mó su anɛlahá Tito ámúú

olegyankpá beha mlilówa nsi ámu aniaa, ɔtráa yinki beha amlíwa nsi mɔ mlí awítɔle agyómá ámu ɔnó wankláán. ⁷ Mlilafun ɔkpagyíɔkpasu, tsúfɛ mlíhíe mlibu hógyi, mliyín tɔ́í, mlilétin ansí. Tɔtɔ tamakpɔn mlí, mlítehíe dwé aní é. Ndekléá mlibóo mbódí awítɔle agyómá ánfí étó dɔn ɔhagyíɔha.

⁸ Mmɛdé mlí híe mbéé, mlibwéé mú. Mboún ndepu mlí ɔdwe kápó akvá buɔɛpríu aní amú é bóbuá. ⁹ Tsúfɛ mliyín alíá aní Wíe Yesu Kristo lódwɛ ahá, wá awítɔle. Iwí onyapó ogyi tekí, táme aní su ɔlɔbwe iwí ohíáni, méní abótsun mu ohian ámu su bwé iwí anyapó.

¹⁰ Mí agywun gyí, ní mlómó agyómá ámuó mliléfi así ofíku ámu ɔnó á, íbówa labí há mlí. Tsúfɛ mlígyí ɔpasua gyankpapu aní mlilóbwe agywun ámu, mlí kén léfi mú así. ¹¹ Mlíwuna bwe mú mɔ ɔnó. Mlíle íklɔntɔ bwe mú, fé alíá mliléfi mú así. Mlíkie mú mlí ɔwɔnlín ɔnó, méní íbékánáa agywun ámuó mlilóbwe ámu. ¹² Ní íhíe igyi mlí apéá mléha á, mlíkie tɔ́á mlibu. Mútegyi Bulu ansí, megyí múá mlímá.

¹³ Megyí beɛ, anídékléá abéha iwí bólwií aku, iwí íklí mlí mú; mboún alíá iwí bólwií mlíá amónyɔ féé kékéɛ. ¹⁴ Séi mlibu ató tsɔtsɔ́á mlétalí póbúá amó. Mómó ní iwá alé há amó, iwí lekli mlí é á, amó é bétalí bóa mlí, méní mlíá amónyɔ féé mlénya kékéɛ. ¹⁵ Mlíkaɔn aní Bulu asɔn wanlínhé amu léblí ɔbée, “ɔhá ámuó ɔlekpa tsɔtsɔ́tsɔ́ ámu ménya mú dɔbí. ɔhá ámuó ɔlekpa kpalobí ámu é klé lɔfun mu.”

Tito Mva Mv Aba

¹⁶ Adá Bulu ípán aní alahá Tito é latsúlá dínká mlí klésu fé mí. ¹⁷ Bréá anilówa mu aniaa ɔbá mlí wá á, olotsulá. Mu onutó óó, íbu mu ɔdwe aní ɔbétrá

ba mu. ¹⁸ Anidé muva opíó òku wa sísí mli. Ɖpasua ámu fée buɗe mu kanfú, asun wankláán ámu òkan da su. ¹⁹ Makedonia ɔpasua ámu fée léle mu ání ania muɔyɔ anátí ki, ahɔ atokiehé ámu ya Yerusalem. Anidé ató ání bwe pówá aní Wíe numnyam, méni ibósuná ání aní onutó latsú dínká iwísu ání abóbwe mó.

²⁰ Anidé aní iwí kí wankláán, méni ɔhaa méele aní ilá, tsú alíá anilópu anidé atokiehé ámu su kí.

²¹ Tóá anidésusúu gyí, alíá abóbwe múá ida òkpa Bulu muva anyánkpósa fée ansító.

²² Iní su anilapó aní apíó ámuɔɔ òku mántá Tito anásó. Anilasɔ mu kí, anilawun ání ɔhíé ɔbu nsi. Alahɔ mli gyi séi. Mú su ɔhíé odekléá ɔbétsa aní agyómá ámu yɔ. ²³ Ní òku léfité mu su á, mlibla mu mlíaa, mía muɔyɔ dé agyómá yɔ pósúm mli. Makedonia ɔpasua lówa apíó atráhe amúú muva amúnyɔ bebá ámu. Iní désuná ání Kristo buɗe numnyam wa. ²⁴ Mú su mlile mli ɔdwe suna amú. Isuna ɔpasua ámu fée ání mli su aníbu òkpa tsú iwí.

9

Akristofɔ́ Buma Tɔ́ɔ Búd

¹ Imehián ání nówanlín mli ɔwóló tsú alíá mlidé Bulu ahá ání buɔbu Yerusalem buá iwí. ² Tsúfɛ nyin ání mlihié mlidékléá mlóbúá amú. Nagyí mli iwí adánsíe súná amú mbée, tsú ofíku ɔpá Akristofɔ́á buɔbu Akaiia ɔsulósu beda iwísu yáí ání bóbúá. Mli nsiwa lahá ogyá ku lawíé amú ɔɔɔɔɔɔɔ. Mú su amú é bafi mú asi. ³ Táme nde apíó ání wa sísí mli, isuna ání megyí kpaali negyi mli iwí adánsíe súná amú. Mlída iwísu, fé alíá nebláa mli yáí, amlíka mli tswítswí fée. ⁴ Tsúfɛ ní Makedonia Akristofɔ́ ámuɔɔ

aku bobuo mi ba unu, bowun ání mlímókódá iwisu fé alíá nebláa amú á, abósupáa amú ansító, táme mlósupáa dun mi. ⁵ Mú su nabwé agywun ání néha Tito mu aba ámu abugyankpa ba mli wá, íha amlidunka tóá mliléhié ání mléha yáí. Táme mliha mó tsú mli klontɔ, megyí ohíé igyi.

⁶ Mlikain ání ohá ání odú kpalobí á, kpalobí otákpótí, táme ohá ání odú tsotsɔ tɔkpótí tsotsɔ. ⁷ Mlitɔ okugyiáku oháa móá obétalí tsu mu klontɔ. Imábwe ohíé, tsúfé ohá ání otápú odwe kíé ató asón Bulu tekle. ⁸ Bulu téhá mli tóá mlidéhián brégyíbré, dun alíá ilehián mli. Mú su mlénya tóá ide mli hián brégyíbré. Ibófun mli sian, mlópwbwé yilé há aha bambá. ⁹ Fé alíá bɔwanlín wá Bulu asón ámuto beɛ,

“Bulu oha telé iwitɔ kíé ahiánfɔ ató.

Mu yilébwɛ tamatá.”

¹⁰ Bulu téhá adotapu ató-abí butodú, otehá ahá atogyihe. Mligyí fé amú. Obéha mli ató-abíá mlópu iku kíé ahá, atogyihe tsotsɔtsɔ bédali tsu mli yilébwɛ ámuto. ¹¹ Obéhié yúlá mli okpagyiákpasu, méni mlówa awitɔle há ahá brégyíbré. Iní íbéha ahá ámu béda Bulu ipán, ató ámú mlilapótsun anisu há amú ámu su. ¹² Tsúfé atoku anyɔ obédali tsu mli atɔ hahé ánfítɔ. Megyí ató ámú mlilapóhá Bulu ahá ámú ató de amú hián, bobu Yerusalem amu nkule, mbouin íbéha ahá tsotsɔtsɔ béhié dá Bulu ipán. ¹³ Tsúfé ní mléhá amú á, íbéha békanfú Bulu. Ibósuná ání lélé mlidé Kristo asun wankláán ámú mlilóho amusu gyí, mlidé awitɔle é wa há amú aha bambá. ¹⁴ Béhié káin mlisu, bó mpái há mli, tsú awitɔle kpɔnkpɔnti ámú Bulu lapóhá mli ámu su. ¹⁵ Adá Bulu ipán há mu atokiehé ánfí idun blí ánfí!

10

Paulo Gyumagyihe Onále

¹ Ibu mótóá mlito aku mliteblí mliaa, ní mbu mli wá á, mí asón lolwií, táme ntəwánlín mí nwóló túmisu. Táme mí Paulo nde mli kokóli mbéé, mli púkí alá Kristo asón lolwií, ɔleba iwiasí.

² Mlito aku budeblí beé, mí bwehé lalian ɔyító ahá. Mú su ní netrá ba ɛnu á, nawun ání ilehián ání mí ansító bówa onlin. Kókoli, mli máha ampu tsiátó anfi odu ba ɛnu. ³ Ibu mótóá ɔyí ánfito anibu, táme megyí ɔyí anfito agywun anidépókó ísá.

⁴⁻⁵ Megyí ɔyító akotó anidépókó. Bulu akotóá ibu túmi anidépobwíé okpikplikpa kugyíkúá itokósú lí Bulusu. Anitəpúyíntá afunu asón kugyíkúá ahá butəpótsú iwí, itehá amó butamabí Bulu. Anitəpódámlí agywun laláhe kugyíkú, há itobú Kristo. ⁶ Ní mli aha tráhe amu mli lapó iwí há Kristo, mli dé mu asónsú gyí a, abébití ahá ámúú bude asutə-onlin wa ámu é asu.

⁷ Mliki onəkwali amúú ida mli ansító ámu. Ní mli dékúá Kristo bú mli á, mómú mliki mó wan-kláán, amlibi ání mubú aní é. ⁸ Ní nde iwí tsu túmi ámúú aní Wíe lapóhá aní ámu su dubi a, ima mí péli. Tsúfé ɔəpəhá aní ɔbéé, apúbua mli amlidan. Megyí ɔbéé, apúyinta mli. ⁹ Imábwe mli fé nde nwóló wanlín, pówá mli ifú. ¹⁰ Tsúfé aku beé, “Mákpla Paulo. Mu asun wanlínhé bu odwin, ɔtəpóhíé ahá. Táme ní mu onutó ɔbu aní wá á, lolwií, mu asun blíhé é ima ibiá!” ¹¹ Iwánkí ahá ámu ání asón ání anitəwánlín sísí ahá kén anitəbwé ní anibu amó wá ní.

¹² Lélé mó á, amendi anigyíá abópu iwí kápú ahá ánfí bude iwí kanfú ánfí? Amó wolewole dépu iwí kápú aba, bude ansí pudínká abasu. Mimlá

igyi amó. ¹³ Aní mó anímóotsu ɪwɪ dáfá, mboun ɔkpa ámú Bulu léhɪ há aní ámó ɔnó abótsu ɪwɪ fon. Mógýí agyómá ání anɪlabwé bɔtu mɪ ní. ¹⁴ Anilégyankpá pú Kristo asɔn wankláán ámó ba mɪ. Mú sɔ ní anídé mɪ asón bláa a, anímókútí dáfá. ¹⁵ Anímédépu ɔhaa agyómá é tsú ɪwɪ. Mboun anídé ɔkpa kí ání mɪ hógýí bédan. Agyómá ámú anídéyɔ mlɪto ámó é ɪbékléí tsía. ¹⁶ Mómú abétalí dáfá mlɪsɔ yéda asɔn wankláán ámó ɔkan ɔmá bámbá ésú, ménɪ ɪmóɔbwe fé anɪlapó ɔtínéá ɔku lagyankpá yó agyómá tsú ɪwɪ.

¹⁷ Táme Bulu asɔn wanlínhé amó léblí ɔbéé, “Oɔhagyíha ání ɔbéé, mótsu ɪwɪ á, ɔpú tóá aní Wíe labwé tsu ɪwɪ.” ¹⁸ Tsúfé ní Bulu ɔkánfó fó gyí asón, ɪwɪ kanfó mó kpaalí ígyi.

11

Paulo Mva Sumbi Ayɔpó Afunupu

¹ Mɪnya klɔn, amlɪnu mí mimlála kpalobí ánfɪ asi! Kókoli, mɪnya klɔn ha mɪ. ² Mmesi mɪ tswɪ fé alá Bulu tamasi mɪ tswɪ. Tsúfé mlgyí fé obitebíá omeyín oyin, napú mɪ há oyin ɔkɔle, ogyi Kristo. ³ Táme alí ámú ɪwɔ ámó lópu mu alape mlé Hawa amó á, ifú de mí ání ɔku ɔbémlé mɪ, mɪ ansí bédɪnkí ɔnɔkwaliwa pú ɔdwe wankíhé amú mɪbɔ ha Kristo amosɔ. ⁴ Tsúfé nyin ání ní ɔku ɔbá beda Yesu bámbá ɔku ɪwɪ asón ɔkan súná mɪ, imegyí ɔmɔamú aniléda mu ɪwɪ asón ɔkan súná mɪ ámó a, mlókɔsí hogyi. Ní mlenyá ɔhé bámbá kvá ina ɔtsan há móámú mɪlégyankpá nyá ámó é á, mlóhɔ mó gyí. Alí kén ní mlonú asɔn bambá ání ina ɔtsan há móámú anilébláa mɪ ámó é á, mlókɔsí hɔ músú gyí nɪ!

⁵ Mmedéhógyiá ahá ánfí búde iwí tì “Sumbí ayọ́pú akpónkpòntì” ánfí bọ́dun mì ọ́kpa ọ́kọ̀kọ̀sù. ⁶ Ní mmeyín tọ́í kóráá á, nyin asón ání ndeblí. Nahogyiá anilahá asón ánfító ilawánkí mli ọ́kpagyíọ́kpasu.

⁷ Iníá nọ́pọ́ iwiasibá pọ́ obú há mli bréá neda Bulu asun wankláán ámọ́ ọ́kan súná mli, mmọ́họ́ mli tọ́tọ́ sù yéé tsitsa nọ́bwe á? ⁸ Ọ́pasua bámbá ató nọ́swí, póbá bọ́yọ́ agyómá há mli. Mú sù netalí sùm mli, mmọ́họ́ mli tọ́tọ́ nì. ⁹ Bréá mbọ́ mli wá, iwí lekli mí á, mmesi ipian tswí mli tọ́ ọ́kọ̀kọ̀sù. Mboún apíọ́ ámọ́ú bọtsu Makedonia ba amọ́ léha mí mí atohiánhẹ. Iní sù mmesi ipian dínká mli tọ́ ọ́kọ̀kọ̀sù, mméesi dínká é. ¹⁰ Iníá ọ́nọ́kwali nanya ndeblí tsú Kristo iwí mú á, ọ́haa méetalí ká mí itin ọ́béé, mmáọ́pọ́ asón ánfí tsú iwí Akaia ọ́sólọ́sù fẹ́é. ¹¹ Ntogyi sọ́? Ntamadwé mli lóó? Ekekekeke! Bulu yin ání ntọ́dwé mli!

¹² Nọ́bwe mí agyómá fé alá nde mú bwe dodo. Nọ́bwe mú pótin amọ́ ọ́kpa, ní búde iwí tsu bẹẹ, gyuma kọ́le ania amọ́nyọ́ anidébwe. ¹³ Afunupọ́ bọgyi. Bapina bwe iwí fé Kristo sumbí ayọ́pú, bọna búde mli mlé. ¹⁴ Táme ima wánwan! Tsúfé Ọ́bunsám kóráá tekí ansí bwé iwí fé Bulu-ọ́bọ́pọ́ wankíhé! ¹⁵ Mú sù ima wánwan ání mọ́ asúmpọ́ anfi é bapina bwe iwí fé yilé abwepọ́. Amọ́ ọ́nọ́mọ́ bẹ́le amọ́ bwehé kugyíkọ́ ọ́wan.

Paulo Asun Wunhe

¹⁶ Ntráa nde mli bláa mbéé, ọ́haa mábu mí ọ́ha mimláhẹ. Táme ní mlidé mí bu alí óó á, mlitsù mú alí, mí é anya ọ́kpa tsú iwí kpalobí. ¹⁷ Aní Wíe tamatọ́í alí, táme nabwé iwí fé ọ́ha mimláhẹ. ¹⁸ Ahá tsọ́tsọ́tsó bọ́totsú iwí fé ọ́yítọ́ ahá, sù mí é nótsu iwí. ¹⁹ Ee á, iníá mliaa atiansipọ́ mligyí óó

á, mlitotsúlá há aha mimláhe. ²⁰ Tsúfé ní òkú òpó mlí bwé nkpábi kóráá á, mlitotsúlá. Ní òpó mlí nyá ɪwɪ, ogyi iwíe mlísu, obú mlí tǎkú odu, òdá mlí ɪsoto kóráá á, mlitotsúlá há mu. ²¹ Mliá mma ansító-ònlín. Ee, natsúlá. Mí klé ma ɪnu.

Táme tógyítáá òkú labwé òdeputú ɪwɪ á, mí é nétalí pú mí kle tsú ɪwɪ. (Táme nahogyi ání igyi mimlála.) ²² Ní bεε Hebrifó búgyi á, mí é Hebriyin ngyi. Ní Israelfó é búgyi á, Israelyin mí é ngyi. Ní bεε botsú Abraham abí-anátó a, ɪnu mí é notsú ní. ²³ Bεε Kristo asúmpó búgyi? Mblí mú mimlásu, ndon amó! Nayírɪ ɪwɪ yó agyómá don amó. Nadí obu don amó. Badá mí don amó. Nesian wu bré tsòtsòtsòtò. ²⁴ Yudafo banwén mí mplí tsé advasa-kwebá (39) tse nu kéké. ²⁵ Romafó é bapítí mí ató tse sa kéké. Bèda mí abwi òtsáwòle. Tse sa kéké ntsusu-yibi labun mí, nasin ntsutso ekewóle owító. ²⁶ Mí òkpa tsòtsòtsò tutó á, nafá ntsu akpònkpònti, natsun ogyo atswapó ɪbitò dáli. Natsun òmá bámbásófó pú anɪ pɪ Yudafo fée ɪbitò dáli. Natsun awúlusu pú adimbísó, nafá òpu. Natsun ahá ámóó bude amó ɪwɪ tɪ bεε, Akristofó ámu aná fée ɪbitò dáli. ²⁷ Nayó agyómá kpékpé, ɪlapián mí kí. Ntamadídí nkekó. Ntetsiá akón múa òmewóli, ntekli ònó, ntedí atsali, náti yayá aná fée. ²⁸ ɪnɪ fée òma a, tóá ɪdín mí klonsu, ntogywín mú ɪwɪ ekekegyíeke gyí òpasua ámu fée aléwa. ²⁹ Ma lópon, mmotsu kòkú lé mu asóntó? Ma bèkpa wá lakpantò, ɪmòwa mí òbló.

³⁰ Ní bεε ntsú ɪwɪ á, ntobíá itehá mí hógyi tɛba asɪ nòputú ɪwɪ. ³¹ Bulu, ogyí anɪ Wíe Yesu mu Sɪ, òlekanáa kanfó bré fée-tó ámu yin ání mmédé afunu wa. ³² Owíe dehen Areta léha mu òmású òkípú léyete mɪ Damasko wúlu ònó, òkita mí. ³³ Táme bòpu mí

wá lakpátó, lé mí tsɔn ikwitɔ, kplí mí yi buntíi ání
bɔpwe wá wúlu amɔ ɔma, nesrí sí mɔ.

12

Paulo Atowunhe Pó Mv Atɔ Lesúndhé

¹ Ilehíán ání nótsu iwɪ, táme tɔtɔtɔ uma iwitsútó. Táme mbli atóá nowun pó tóá anɪ Wie lalé súná mí. ² Nfi dúana (14) ní, bɔwan mɪ ya ɔsúsú saasitɔ. (Mí nyankpɔsa-oyí lóyɔ inu o, mí ɔkláa o, mméetalí bí. Bulu nkɔle yín.) ³⁻⁴ Fé alíá nakóblí á, bɔwan mɪ ya Paradiso. (Mí nyankpɔsa-oyí lóyɔ inu o, mí ɔkláa o, mméetalí bí. Bulu nkɔle yín.) Nonu asún ání uma blító, ɔhaa é má ɔkpa blí mú. ⁵ Nétalí pó itó ámúbú nowun amɔ tsú iwɪ, táme mmóɔpɔ mí atɔ bwehé tsú iwɪ. Ntobíá itehá mí ɔwɔnlín ɔnó tɛba asɪ ntɔpótsú iwɪ. ⁶ Ní mbéé nótsu iwɪ kúráá á, mmóotsu iwɪ fé ɔha mimláhe, tsúfé nébli ɔnɔkwali. Táme mmóɔbwe. Mmedékléá ɔhaa ɔkú mɪ dafa alíá mí tsiátó gyí, ntée asún ámúbú nɔpɔba amɔ.

⁷ Alíá mmóɔpɔ ntobí ánfɪ ɪbɔ ifú, ɪbɔ wánwan, Bulu lalé súná mí ánfɪ tsú iwɪ sɔ á, ɔlɔpɔ owu kv wá mí awútó, igyi Ɔbɔnsám-ɔbɔpɔ. Itedá wɔ mí, ménɪ mmóotsu iwɪ. ⁸ Nakókóli anɪ Wie Yesu tse sa kéké mbéé, ɔlé itó ámɔ mító. ⁹ Táme asún ání ɔtebláa mɪ brégyíbré gyí, “Mí awitɔle pé gyí tóá fehián. Tsúfé ɔhá ání mɔ ɔwɔnlín ɔnó laba asitɔ mí túmi tehié lɪn ɔwan.” Inɪ sɔ ɪbɔ mɪ ansigyí ání nópɔ tóá itehá mí ɔwɔnlín ɔnó tɛba asɪ tsú iwɪ, ménɪ Kristo túmi ámɔ ɪbéhiɛ bun mɪsɔ. ¹⁰ Kristo sɔ ansí bégyi mɪ brégyíbré. Ní mí ɔwɔnlín ɔnó ɪba asɪ, bɔde mí sia, mbɔ ikplántɔ, bɔdɪn mɪsú, ntée iwɪ de mí ɔsɪn, tsúfé ní mí ɔwɔnlín ɔnó ɪba asɪ á, mú ntelányá ɔwɔnlín ní.

Korinto Ɔpasua Iwɪ Asún

11 Nabwé iwí fé ðha mimláhe, táme mluláhá ilaba alí. Teki ilehián ání mléblí ason wankláán tsú mí iwí. Tsúfé ibu mótóá mme gyí tótó, táme ndon “sumbí ayópó akpənkpəntí” ánfí mú. 12 Bréá mbu mlí wá á, notomi bwé tóá ibu wánwan pú osúna móa ofúla ɔtsan-ɔtsan, pósúná mlí ání lélé sumbí ɔyópó ngyi. 13 Ntó dé mlí háan? Tóá nəbwe mlító, mməbwe ɔpasua bámbátó gyí, mmesi iwí tswí mlísv. Kókoli, mlí sikie mí!

14 Séi á, otse saasi ndebweá néba mlí wá á. Mméeba besi iwí tswí mlísv, tsúfé mmedé tótó fité tsú mlí wá. Mlí onutó ndehián. Kebi tamatsú mu sí wá akənkə, mu sí tótsú mu wá akənkə. 15 Ibu mí ɔdweá néyintá tógyítóá mbu mlí sv, sí mí iwí féé kóráá há mlí. Iníá nde mlí dwe dɔbí alí á, ntogyi sv ɔdweá mlí mú mlísv há mísó dedinkí?

16 Fíalí mlílawun ání lélé, mmeba besi iwí tswí mlísv, táme mlí déblí mlíaa, nofwifwí ansí. Ndepu ató tson mlí omuá wá mlí ɔnó. 17 Ɔkpa ɔmɔmɔsv? Nətsun ahá á múú nəwa mlí wá á mɔtə ɔkɔsv sísi mlí lóó? 18 Bréá nokokóli Tito, nəwa mva aní pío Okristoyin amv mlí wá mé, olebesisíi mlí? Ekekeke! Tsúfé agywun kule mía mɔnyə anidəpubwé toku kule.

19 Fíalí mlí dé mú tsu bré ánfítə féé mlíaa, anidətói póká iwí lé. Megyí alí ígyi. Akristofó aní gyí, anidətói Bulu ansító. Mí adwepú, anidé tógyító bwe pówá mlí ɔwənlín. 20 Tsúfé ifú de mí ání néba mlímétsíe wankláán. Mú sv mí ason blíhé bówə mlí asɔtə. Fíalí nóbətə itré, ɔnsipe, ɔbló, olu, ahásia, ahá iwí asónblí, iwí tsú pú abasɔda mlítə. 21 Nhíé nde ifú nya ání ní nebá unv á, mí Bulu ɔbétrá ba mí así mlí sv. Nósu, tsúfé mlítə ako mlímókúsí mlí lakpan

dada amv bwe, dámlí klontó sí mbuató, hakpanla pú ówólí laláhe amv.

13

Iklá Pó Oláda

¹ Otse saasi neba mli wá á. Bulu asón leblí óbée, “Asa mléha óku ipón á, mlinu adansifó abanyó ntée abasá onó.” ² Bréá neba mli wá otse nyóosi a, neda ahá ámúú bude lakpan bwe ámu fée olá. Ntráa nde amóa aha tráhe fée olá da, tsúfé ní neba inu á, néhie bíti amú isu. ³ Tsúfé mlidékléá mlébi ání lélé Kristo détóí tsun misu. Kristo ówonlín onó makóba asi mlitó. Mv túmi é ihíé tsó mlitó. ⁴ Ibu mótóá mv oyikpalihesu lowu ilosuná ání alapón, táme séi á, otsie nkpa Bulu túmitó. Bréá ania monyó anulóbwe kule a, anilópón, táme séi ania monyó anitsie nkpa Bulu túmitó. Mú anidépokpá mli ní.

⁵ Mliyó mli nwuntó kí bée, ahógyipv onutó mligyí? Mlikapv mli iwí kí bée, lélé Kristo Yesu bu mlitó? Mlilawun ání óbu mlitó? Ní mlimókówun mv mlitó mú á, mómó megyí ahógyipv onutó mligyí. ⁶ Nahogyiá mléba bebi ání Kristo ahógyipv onutó anigyí. ⁷ Anidé Bulu kokóli aniaa, mlimátrá bwe lalahé kuku. Megyí alíá ibósuná ání anigyí Kristo ahógyipv onutó sv. Táme ní ahá budekú bée megyí Kristo ahógyipv onutó anigyí ó á, óhá mli mú amlibwe tóá ida ókpa. ⁸ Tsúfé aní mó animéetalí kúsú líí onakwalí asón ámuvu, don ání abéha mú ibóyó nkpá wule. ⁹ Ní aní mó aní ówonlín onó laba asi, mli klé ilawá onlin á, ansí bégyi aní. Tóá anidé Bulu kulí gyí, óhá amlilalu kinkíinkín, amlidan Kristo hógyitó. ¹⁰ Iní só nagyankpá nde ówolú áñfi wanlín sísí mli, asa amba inu ní. Méni ní neba á,

mmóobotsu ibi mliṣu. Tsúfě ndekléá nópṣ túmi ámúú aní Wíe lapóhá mí ámṣ búa mli amlidan. Mmóṣṣoyíntá mli.

¹¹ Apíó, ítráhe a, ansí igyí mli. Mliṣo mbódí amlilu kínkíinkín, amlidan Kristo hógyitṣ. Mliwa aba ṣwṣnlín. Mli agywun ibwé kole, amlitsia iwilwiitṣ, méní Bulu ámúú ṣṣṣwé aní, ṣtehá aní iwilwii amṣ obétsiá mliṣo bré fěé. Nehá mli itsiá gyágyáágyá.

¹² Mliha aba itsiá, amlilata aba puta ṣṣwṣṣu.

Bulu ahá ámúú bṣbṣ nfi ámṣ fěé behá mli itsiá gyágyáágyá.

¹³ Aní Wíe Yesu Kristo bṣalegyí, Bulu ṣṣwṣṣe pṣ Ṣṣhe Wankíhé kolebṣṣe itsiá mli fěésú.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: (Nkonya)

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

2014-05-01

PDF generated using Haiola and XeLaTeX on 21 Feb 2024 from source files dated 29 Jan 2022

2c5882f1-9b2d-5f5e-bf4f-7030fc58727b